

Na osnovu člana 8 i 23. Zakona o ministarstvima i drugim organima uprave Tuzlanskog kantona ("Službene novine TK-a", broj: 10/18-prečišćeni tekst) i člana 69. stav (5) Zakona o srednjen. obrazovanju i odgoju-prečišćeni tekst ("Službene novine Tuzlanskog kantona", broj: 10/20, 11/20, 8/21, 22/21, 5/22, 10/22, 11/22, 9/23 i 12/23), ministar obrazovanja i nauke, donosi

PRAVILNIK

o izmjenama Pravilnika o kriterijima za upis učenika u prvi razred srednjih škola na području Tuzlanskog kantona

Član 1.

U Pravilniku o kriterijima za upis učenika u prvi razred srednjih škola na području Tuzlanskog kantona, broj: 10/1-34-009369-1/24 od 15.04.2024. godine, član 5 mijenja se i glasi:

"Član 5.

(Način bodovanja)

(1) Učenici bodovanjem po svim kriterijima maksimalno mogu ostvariti 110 boda pri upisu u prvi razred gimnazije i srednje tehničke škole.

(2) Maksimalan broj bodova učenici mogu ostvariti na osnovu:

a) opšteg uspjeha u VI, VII, VIII i IX razredu devetogodišnje osnovne škole do 72 bodova, i to:

- 1) odličan: 5,00 = 18 bodova,
- 2) 4,90-4,99 = 17,4 bodova,
- 3) 4,80-4,89 = 16,8 bodova,
- 4) 4,70-4,79 = 15,6 bodova,
- 5) 4,60-4,69 = 14,4 bodova,
- 6) 4,50-4,59 = 13,2 bodova,

7) vrlo dobar 12 bodova,

8) dobar 7,2 bodova

9) dovoljan 4,8 boda;

b) uspjeha iz relevantnih nastavnih predmeta u VIII i IX razredu devetogodišnje osnovne škole iz člana 10. ovog pravilnika, 15 bodova, i to:

- 1) odličan 2,5 bodova po nastavnom predmetu,
- 2) vrlo dobar 1,7 boda po nastavnom predmetu,
- 3) dobar 0,8 bodova po nastavnom predmetu,
- 4) dovoljan 0,3 bodova po nastavnom predmetu;

c) rezultata eksterne mature, do 3 boda, i to na način da se ukupan postotak polaganja mature (učenik može ostvariti minimalno 0% a maksimalno 100%) koristi za izračunavanje postotka od 3 boda. Ovako izračunati broj bodova na osnovu rezultata polaganja eksterne mature se zaokružuje na jednu decimal.

d) rezultata postignutih na takmičenjima u skladu sa Pravilnikom o organizaciji takmičenja učenika osnovnih škola ("Službene novine TK", broj: 1/23) iz relevantnih predmeta za tu školu, maksimalno 10 bodova, i to:

- 1) međunarodno 10 bodova za osvojeno prvo, drugo, treće, četvrto i peto mjesto,
- 2) državno 9 bodova za osvojeno prvo, drugo i treće mjesto,
- 3) federalno 8 bodova za osvojeno prvo, drugo i treće mjesto,
- 4) kantonalno 5 bodova za osvojeno prvo mjesto,
- f) posebna diploma 10 bodova.

(3) U slučaju istog broja bodova učenika prilikom bodovanja dodatno se uzima u obzir i procenat ostvarenih bodova sa eksterne mature, te prosjek ocjena iz V razreda osnovne škole.

Član 2.

Član 7. Mijenja se i glasi:

“Član 7.

(Način bodovanja za umjetničku školu)

(1) Učenici bodovanjem po svim kriterijima maksimalno mogu ostvariti 130 bodova pri upisu u prvi razred srednje umjetničke škole.

(2) Maksimalan broj bodova učenici mogu ostvariti na osnovu:

a) opšteg uspjeha u VI, VII, VIII i IX razredu devetogodišnje osnovne škole do 72 bodova, i to:

- 1) odličan: 5,00 = 18 bodova,
- 2) 4,90-4,99 = 17,4 bodova,
- 3) 4,80-4,89 = 16,8 bodova,
- 4) 4,70-4,79 = 15,6 bodova,
- 5) 4,60-4,69 = 14,4 bodova,
- 6) 4,50-4,59 = 13,2 bodova,
- 7) vrlo dobar 12 bodova,
- 8) dobar 7,2 bodova
- 9) dovoljan 4,8 boda;

b) uspjeha iz relevantnih nastavnih predmeta u VIII i IX razredu devetogodišnje osnovne škole iz člana 10. ovog pravilnika, 15 bodova, i to:

- 1) odličan 2,5 bodova po nastavnom predmetu,
- 2) vrlo dobar 1,7 boda po nastavnom predmetu,
- 3) dobar 0,8 bodova po nastavnom predmetu,
- 4) dovoljan 0,3 bodova po nastavnom predmetu;

c) rezultata eksterne mature, do 3 boda, i to na način da se ukupan postotak polaganja mature (učenik može ostvariti minimalno 0% a maksimalno 100%) koristi za izračunavanje postotka od 3 boda. Ovako izračunati broj bodova na osnovu rezultata polaganja eksterne mature se zaokružuje na jednu decimal.

d) rezultata postignutih na takmičenjima u skladu sa Pravilnikom o organizaciji takmičenja učenika osnovnih škola (“Službene novine TK”, broj: 1/23) iz relevantnih predmeta za tu školu, maksimalno 10 bodova, i to:

- 1) međunarodno 10 bodova za osvojeno prvo, drugo, treće, četvrto i peto mjesto,
- 2) državno 9 bodova za osvojeno prvo, drugo i treće mjesto,
- 3) federalno 8 bodova za osvojeno prvo, drugo i treće mjesto,
- 4) kantonalno 5 bodova za osvojeno prvo mjesto,
- f) posebna diploma 10 bodova.
- g) rezultata prijemnog ispita, do 20 bodova”.

Član 3.

(Stupanje na snagu Pravilnika)

Ovaj pravilnik stupa na snagu narednog dana od dana donošenja, a primjenjivat će se od upisa učenika u prvi razred srednje škole za školsku 2024./2025. godinu.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo obrazovanja i nauke
Broj: 10/1-34-009369-2/24
Datum: _____ 2024. godine

MINISTAR

Dr. sci. Ahmed Omerović

naobrazbe i znanosti, donosi

PRAVILNIK **o kriterijima za upis učenika u prvi razred srednjih** **škola na području Tuzlanskog kantona**

Članak 1.

(Predmet pravilnika)

Ovim pravilnikom utvrđuju se kriteriji za upis učenika u prvi razred srednjih škola na području Tuzlanskog kantona.

POGLAVLJE I. **OPĆE ODREDBE**

Članak 2.

(Upis učenika)

(1) Upis učenika provodi posebna komisija koju imenuje školski odbor škole.

(2) Rang-liste svih kandidata i spisak primljenih učenika, škole su dužne objaviti na oglasnoj tabli škole, nakon što ga verificira školski odbor škole, najkasnije tri dana od zatvaranja konkursa, i dostaviti Ministarstvu naobrazbe i znanosti Tuzlanskog kantona (u daljnjem tekstu: Ministarstvo) i Pedagoškom zavodu Tuzlanskog kantona (u daljnjem tekstu: Pedagoški zavod).

Članak 3.

(Pravo učenika generacije)

Učenik koji je u tijeku školovanja proglašen učenikom generacije, te ukoliko je na eksternoj maturi ostvario najmanje 95% stječe pravo upisa u prvi razred izabrane srednje škole bez bodovanja.

POGLAVLJE II. **POSEBNE ODREDBE**

Članak 4.

(Kriteriji za upis)

(1) Upis učenika u prvi razred gimnazije i srednje tehničke škole vrši se na temelju:

- a) općeg uspjeha postignutog u VI, VII, VIII i IX razredu devetogodišnje osnovne škole,
- b) uspjeha iz relevantnih nastavnih predmeta u VIII i IX razredu devetogodišnje osnovne škole,
- c) rezultata eksterne mature,
- d) rezultata postignutih na kantonalnim, federalnim, državnim i međunarodnim natjecanjima sukladno Pravilniku o organizaciji natjecanja učenika osnovnih škola ("Službene novine Tuzlanskog kantona", broj: 1/23), i to iz predmeta relevantnih za školu,

e) posjedovanja posebne diplome za postignuti uspjeh iz članka 66. Zakona o osnovnom odgoju i naobrazbi - prečišćeni tekst ("Službene novine Tuzlanskog kantona", br: 10/20, 8/21, 11/21, 22/21, 5/22, 10/22, 11/22 i 12/23).

(2) Upis učenika u prvi razred srednje umjetničke i srednje vjerske škole vrši se na temelju:

- a) općeg uspjeha postignutog u VI, VII, VIII i IX razredu devetogodišnje osnovne škole,
- b) uspjeha iz relevantnih nastavnih predmeta u VIII i IX razredu devetogodišnje osnovne škole,
- c) rezultata eksterne mature,
- d) rezultata postignutih na kantonalnim, federalnim, državnim i međunarodnim natjecanjima sukladno Pravilniku o organizaciji natjecanja učenika osnovnih škola ("Službene novine Tuzlanskog kantona", broj: 1/23) i to iz predmeta relevantnih za školu,

e) posjedovanja posebne diplome za postignuti uspjeh iz

članka 66. Zakona o osnovnom odgoju i naobrazbi - prečišćeni tekst ("Službene novine Tuzlanskog kantona", br: 10/20, 8/21, 11/21, 22/21, 5/22, 10/22, 11/22 i 12/23),

f) rezultata postignutog na prijemnom ispitu.

(3) Upis učenika u prvi razred gimnazije, čiji je osnivač druga pravna ili fizička osoba, vrši se prema Kriterijima koje donosi osnivač.

(4) Upis učenika u prvi razred srednje stručne škole vrši se na temelju općeg uspjeha postignutog u VI, VII, VIII i IX razredu devetogodišnje osnovne škole i rezultata eksterne mature.

Članak 5.

(Način bodovanja)

(1) Učenici bodovanjem po svim kriterijima maksimalno mogu ostvariti 92 boda pri upisu u prvi razred gimnazije i srednje tehničke škole.

(2) Maksimalan broj bodova učenici mogu ostvariti na temelju:

a) općeg uspjeha u VI, VII, VIII i IX razredu devetogodišnje osnovne škole do 60 bodova, i to:

- 1) odličan: 5,00 = 15 bodova,
- 2) 4,90-4,99 = 14,5 bodova,
- 3) 4,80-4,89 = 14 bodova,
- 4) 4,70-4,79 = 13 bodova,
- 5) 4,60-4,69 = 12 bodova,
- 6) 4,50-4,59 = 11 bodova,

7) vrlo dobar 10 bodova,

8) dobar 6 bodova i

9) dovoljan 4 boda;

b) uspjeha iz relevantnih nastavnih predmeta u VIII i IX razredu devetogodišnje osnovne škole iz članka 10. ovog pravilnika, 9 bodova, i to:

- 1) odličan 1,5 bodova po nastavnom predmetu,
- 2) vrlo dobar 1,0 boda po nastavnom predmetu,
- 3) dobar 0,5 bodova po nastavnom predmetu,
- 4) dovoljan 0,2 bodova po nastavnom predmetu;

c) rezultata eksterne mature, do 3 boda, i to na način da se ukupan postotak polaganja mature (učenik može ostvariti minimalno 0%, a maksimalno 100%) koristi za izračunavanje postotka od 3 boda. Ovako izračunati broj bodova na temelju rezultata polaganja eksterne mature se zaokružuje na jednu decimalu;

d) rezultata postignutih na natjecanjima sukladno Pravilniku o organizaciji natjecanja učenika osnovnih škola ("Službene novine Tuzlanskog kantona", broj: 1/23) iz relevantnih predmeta za tu školu, maksimalno 10 bodova, i to:

- 1) međunarodno 10 bodova za osvojeno prvo, drugo, treće, četvrto i peto mjesto,
- 2) državno 9 bodova za osvojeno prvo, drugo i treće mjesto,
- 3) federalno 8 bodova za osvojeno prvo, drugo i treće mjesto,

4) kantonalno 5 bodova za osvojeno prvo mjesto,

f) posebna diploma 10 bodova.

(3) U slučaju istog broja bodova učenika prilikom bodovanja dodatno se uzima u obzir i procenat ostvarenih bodova sa eksterne mature, te prosjek ocjena iz V razreda osnovne škole.

Članak 6.

(Način bodovanja za stručnu školu)

(1) Učenici bodovanjem po svim kriterijima maksimalno mogu ostvariti 63 boda pri upisu u prvi razred srednje stručne škole.

(2) Maksimalan broj bodova učenici mogu ostvariti na temelju:

a) općeg uspjeha u VI, VII, VIII i IX razredu devetogodišnje osnovne škole do 60 bodova, i to:

- 1) odličan: 5,00 = 15 bodova,
- 2) 4,90-4,99 = 14,5 bodova,
- 3) 4,80-4,89 = 14 bodova,
- 4) 4,70-4,79 = 13 bodova,
- 5) 4,60-4,69 = 12 bodova,
- 6) 4,50-4,59 = 11 bodova,
- 7) vrlo dobar 10 bodova,
- 8) dobar 6 bodova i
- 9) dovoljan 4 boda;

b) rezultata eksterne mature, do 3 boda, i to na način da se ukupan postotak polaganja mature (učenik može ostvariti minimalno 0%, a maksimalno 100%) koristi za izračunavanje postotka od 3 boda. Ovako izračunati broj bodova na temelju rezultata polaganja eksterne mature se zaokružuje na jednu decimalu.

(3) U slučaju istog broja bodova učenika prilikom bodovanja dodatno se uzima u obzir i procenat ostvarenih bodova sa eksterne mature, te prosjek ocjena iz V razreda osnovne škole.

Članak 7.

(Način bodovanja za umjetničku školu)

(1) Učenici bodovanjem po svim kriterijima maksimalno mogu ostvariti 112 bodova pri upisu u prvi razred srednje umjetničke i vjerske škole.

(2) Maksimalan broj bodova učenici mogu ostvariti na temelju:

a) općeg uspjeha u VI, VII, VIII i IX razredu devetogodišnje osnovne škole, do 60 bodova, i to:

- 1) odličan: 5,00 = 15 bodova,
- 2) 4,90-4,99 = 14,5 bodova,
- 3) 4,80-4,89 = 14 bodova,
- 4) 4,70-4,79 = 13 bodova,
- 5) 4,60-4,69 = 12 bodova,
- 6) 4,50-4,59 = 11 bodova,
- 7) vrlo dobar 10 bodova,
- 8) dobar 6 bodova i
- 9) dovoljan 4 boda;

b) uspjeha iz relevantnih nastavnih predmeta u VIII i IX razredu devetogodišnje osnovne škole iz članka 10. ovog pravilnika, do 9 bodova, i to:

- 1) odličan 1,5 bodova po nastavnom predmetu,
- 2) vrlo dobar 1,0 boda po nastavnom predmetu,
- 3) dobar 0,5 bodova po nastavnom predmetu,
- 4) dovoljan 0,2 bodova po nastavnom predmetu;

c) rezultata eksterne mature, do 3 boda, i to na način da se ukupan postotak polaganja mature (učenik može ostvariti minimalno 0%, a maksimalno 100%) koristi za izračunavanje postotka od 3 boda. Ovako izračunati broj bodova na temelju rezultata polaganja eksterne mature se zaokružuje na jednu decimalu;

d) rezultata postignutih na natjecanjima, maksimalno 10 bodova, i to:

- 1) međunarodno 10 bodova za osvojeno prvo, drugo, treće, četvrto i peto mjesto,
- 2) državno 9 bodova za osvojeno prvo, drugo i treće mjesto,
- 3) federalno 8 bodova za osvojeno prvo, drugo i treće mjesto,
- 4) kantonalno 5 bodova za osvojeno prvo mjesto,
- 5) posebna diploma 10 bodova,
- 6) rezultata prijemnog ispita, do 20 bodova.

Članak 8.

(Upis pripadnika boračke populacije)

(1) Dijete poginulog, umrlog i nestalog branitelja, ratni vojni invalid, dobitnik ratnog priznanja i odlikovanja, demobilizirani branitelj, dijete ratnog vojnog invalida, dijete dobitnika ratnog priznanja i odlikovanja i dijete demobiliziranog branitelja, kao redoviti učenik, pod uvjetom da ispuni bodovni minimum, odnosno da zadovolji na prijemnom ispitu, ima prioritet pod jednakim uvjetima, prilikom upisa u javnu srednjoškolsku ustanovu, shodno odredbama članka 19. Zakona o dopunskim pravima boraca i članova njihovih obitelji - drugi prečišćeni tekst ("Službene novine Tuzlanskog kantona", broj: 10/20, 14/22, 9/23 i 5/24).

(2) Dokaz o pripadnosti iz stavka (1) ovog članka je uvjerenje nadležne gradske/općinske službe za pitanja boračko-invalidske zaštite.

Članak 9.

(Minimalan broj bodova za upis)

(1) Za upis u gimnaziju u svim upisnim rokovima učenik po osnovu kriterija utvrđenih ovim pravilnikom mora ostvariti minimalno 60 bodova.

(2) Za upis u medicinsku školu u svim upisnim rokovima učenik po osnovu kriterija utvrđenih ovim pravilnikom mora ostvariti minimalno 70 bodova.

(3) Za upis u srednju tehničku školu u prvom upisnom roku učenik po osnovu kriterija utvrđenih ovim pravilnikom mora ostvariti minimalno 50 bodova.

(4) Za upis u srednju tehničku školu u drugom i trećem upisnom roku učenik po osnovu kriterija utvrđenih ovim pravilnikom mora ostvariti minimalno 45 bodova.

Članak 10.

(Relevantni nastavni predmeti)

Relevantni nastavni predmeti za upis u određenu vrstu škole dati su u tabeli kako slijedi:

R/B	VRSTA ŠKOLE	RELEVANTNI PREDMETI ZA UPIS U ŠKOLU		
		Prvi predmet	Drugi predmet	Treći predmet
1.	Gimnazija	Bosanski/hrvatski/ srpski jezik i književnost	Matematika	strani jezik
2.	Muzička škola	Glazbena kultura	Bosanski/hrvatski/ srpski jezik i književnost	Fizika
3.	Mašinska škola	Matematika	Fizika	Informatika
4.	Elektrotehnička škola	Matematika	Fizika	Informatika
5.	Rudarsko-geološka škola	Matematika	Fizika	Informatika
6.	Kemijsko-tehnološka škola	Matematika	Kemija	Informatika
7.	Saobraćajna škola	Matematika	Fizika	Informatika

R/B	VRSTA ŠKOLE	RELEVANTNI PREDMETI ZA UPIS U ŠKOLU		
8.	Grafička škola	Bosanski/hrvatski/ srpski jezik i književnost	Fizika	Informatika
9.	Građevinsko-geodetska škola	Matematika	Fizika	Informatika
10.	Šumarska i drvoprerađivačka škola	Biologija	Kemija	Informatika
11.	Poljoprivredno-veterinarska i prehrambena škola	Biologija	Kemija	Informatika
12.	Tekstilna škola	Kemija	Fizika	Informatika
13.	Kožarska škola	Kemija	Fizika	Informatika
14.	Ekonomska škola (i za poslovno-pravnog tehničara)	Matematika	Bosanski/hrvatski/ srpski jezik i književnost	strani jezik
15.	Turističko-ugostiteljska škola	Geografija	Bosanski/hrvatski/ srpski jezik i književnost	strani jezik
16.	Medicinska škola	Biologija	Kemija Matematika – optičar	Fizika
17.	Škola primijenjenih umjetnosti	Likovna kultura	Bosanski/hrvatski/ srpski jezik i književnost	Informatika
18.	Kozmetički tehničar	Biologija	Kemija	Fizika

Članak 11.**(Kriteriji za upis učenika sa završenom naobrazbom u inozemstvu)**

(1) Za učenike koji su osnovnu školu završili u inozemstvu, a kod kojih u svjedodžbama nema relevantnih predmeta, uzima se prosječna ocjena iz svih predmeta u posljednja dva razreda ili posljednjem završenom razredu.

(2) Za učenike iz stavka (1) ovog članka, kod kojih je u svjedodžbama evidentiran samo opći uspjeh, prosječna ocjena iz relevantnih nastavnih predmeta se uzima na temelju općeg uspjeha u određenom razredu.

(3) Za učenike koji su završili osnovnu naobrazbu u inozemstvu u trajanju od osam godina uzima se opći uspjeh u V, VI, VII i VIII razredu, te ocjena iz relevantnih nastavnih predmeta na temelju općeg uspjeha u VII i VIII razredu.

(4) Za učenike iz BiH, a izvan Tuzlanskog kantona, primjenjuje se ista bodovna lista kao i za učenike iz Tuzlanskog kantona.

Članak 12.**(Bodovanja rezultata eksterne mature za učenike koji su eksternu maturu polagali mimo Pravilnika o eksternoj maturi u osnovnoj školi)**

(1) Za učenike koji su polagali eksternu maturu, mimo Pravilnika o eksternoj maturi u osnovnoj školi ("Službene novine Tuzlanskog kantona", br. 3/16, 7/16 i 2/24), uzima se prosječna ocjena polaganja mature iz svih predmeta koji su polagani u okviru mature i na temelju nje se izračunava ukupan postotak polaganja mature na temelju čega učenik ostvaruje bodove na temelju članka 5. stavak (2) i članka 6. stavak (2) točka b) i članka 7. stavak (2) točka c) ovog pravilnika.

(2) Učenik koji nije polagao eksternu maturu ne ostvaruje bodove po osnovu članka 5. stavak (2) točka c) i članka 6. stavak (2) točka b) i članka 7. stavak (2) točka c) ovog pravilnika.

Članak 13.**(Prestanak važenja ranijih pravilnika)**

Stupanjem na snagu ovog pravilnika prestaje da važi Pravilnik o kriterijima za upis učenika u prvi razred srednjih škola na području Tuzlanskog kantona ("Službene novine Tuzlanskog kantona", broj: 7/23)

Članak 14.**(Stupanje na snagu Pravilnika)**

Ovaj pravilnik stupa na snagu narednog dana od dana donošenja, a primjenjivat će se od upisa učenika u prvi razred srednje škole za školsku 2024./2025. godinu.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo naobrazbe i
znanosti

MINISTAR

Drsci. Ahmed Omerović, v.r.

Broj: 10/1-34-009369-1/24
Tuzla, 15.04.2024. godine

438

Na temelju članka 56. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), a u svezi sa člancima 37a. i 51. Zakona o lovstvu („Službene novine Federacije Bosne i Hercegovine“, br. 4/06, 8/10 i 81/14) i člankom 72. stavak (6) Zakona o izvršenju Proračuna Tuzlanskog kantona za 2024. godinu („Službene novine Tuzlanskog kantona“, broj: 3/24), ministar poljoprivrede, šumarstva i vodoprivrede u Vladi Tuzlanskog kantona, donosi

**PROGRAM KORIŠTENJA SREDSTAVA
PRIKUPLJENIH OD NAKNADE ZA ZAKUP
ŠPORTSKO-PRIVREDNIH LOVIŠTA ZA
2024. GODINU**

I. ZAKONSKI TEMELJ

Programom korištenja sredstava prikupljenih od naknade za zakup športsko-privrednih lovišta za 2024. godinu (u daljnjem tekstu: Program) utvrđuju se prihodi prikupljeni od naknade za zakup športsko-privrednih lovišta na području Tuzlanskog kantona, način i uvjeti raspodjele sredstava, te